



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvatro Lib. Sententiarvm M. Petri Lombardi

Spina, Claudius de

Parisiis, 1551

44. de potentia peccandi.

urn:nbn:de:hbz:466:1-38840

finierit hanc vitam: quoniam de quocunque pessimo in hac vita constituto non est desperandum: nec pro illo imprudenter oratur, de quo non desperatur: unde illud Ioan. Non pro eo dico ut quis oret, sic accipiendum videtur, ut pro aliquo peccante ad mortem, vel in Spir. sanctum, postquam finierit hanc vitam, non oremus. De nullo enim desperandum est, quoad ad poenitentiam patientia Dei adducit.

DE POTENTIA
peccandi.

DISTINCT. Quadragesimæ quartæ
CAP. Vnicum.

Potentia peccandi à Deo est.

Ro. 13. **A** It enim Apost. Non est potestas nisi à Deo. Quod non de potestate boni tantum (ut quidam dixerunt) sed & mali intelligi oportet: cum Pilato etiam Veritas dicat, Non haberes in me ullam potestatem, nisi datum esset tibi desuper. Malitia nempe hominum (ut ait August.) cupiditatem nocendi per se habet: potestatem autem si ille non dat, non habet. Ideoque Diabolus antequam aliquid tolleret Iob, dicebat Domino: Mitte manum tuam, id est da potestatem. quia etiã nocentiũ potestas non est nisi à Deo. Sicut Sapientia ait, Per me

Ioã. 19

Iob. 1.

Pro. 8.

E P I T O M E

reges regnant, & tyranni per me terram tenent. Vnde Iob de Domino ait, Qui facit Iob. 34. regnare hypocritam propter peccata populi. Et de populo Israel dicit Deus, Dedi eis regem in ira mea. Nocendi enim voluntas Osee. potest esse ab homine, potestas autem non 13. est nisi à Deo. & hoc abdita aptaque iustitia. Nam per potestatem Diabolo datam iustos Deus facit suos. Sed dubitatur si potestas mali sit à Deo, & non erit resistendum, quia dicit Apost. Qui potestati resistit, Dei ordinationi resistit. R. 13. Cum ergo Diaboli sit potestas mali, Dei ordinatione, eius potestati non erit resistendum. Sed sciendum est Apost. ibi loqui de potestate seculari, scil. rege & principe & huiusmodi, quibus non est resistendum in his quæ iubet Deus ex his exhiberi: sicut in tributis. Si verò princeps vel Diabolus aliquid iusserit vel suaserit contra Deum, tunc resistendum erit. art. 4. 9.

obicitur

Solutio

Explicit Epitome in secundum lib.
Sentent. Mag. Petri Lombardi.